




鶴林玉露

天集

七

一

1.5
1168
1



15
1168
1-9
1168
1

重梓鶴林玉露題詞

閩後學黃貞外撰

士君子達則龍翔舍則鴻
舉總之抽繹千古旁采藝
林而已不佞幼讀博士家
書雅無所好一日購鶴林



鶴林玉露

卷一序

181

玉露一書取而讀之。則忘
食忘寢。奚獲拱璧哉。寒可
無衣。飢可無食。陸可無車。
水可無楫。而是籍不可一
日廢也。辟之手足耳目焉。
余誠何心哉。怒讀之。則喜。

愁讀之。則驩。困讀之。則蘇。
悲讀之。則平。徐而讀之。則
萬慮以澄。百節以融。耳目
以通。肺腑以清。急而讀之。
則蘭桂倏馨。雲霞倏生。鳳
鳥倏翔。蛟龍倏鳴。遠而讀

之。則天以之青。日以之明。
江以之流。海以之停。洗々
洋々。總々。鱗々。是書何書
哉。信哉。大有益於人世而
非徒流連光景。日露風雲
而已也。景綸羅君。博雅君。

子也。當宦成之後。勒一家
之言。皇主帝伯。罔不精研。
山川人物。罔不品題。歌詞
詩騷。無不備採。至諸史群
書。散而未備者。皆悉心攷
究。令後之讀者。披浮雲而

觀青天。廻狂瀾。而赴巨海。
功不淺カ々哉。功不淺カ々哉。
余不佞。沉潛翫味。蓋亦有
季。今因剖劂。氏之懇用。僭
數言。以彰羅君之美。後之
學語者。真雀噪簷前耳。烏

能如景綸君鶴舞雲中哉。
謹序。

萬曆甲申一陽月下浣之吉

萬曆甲申（國日）不試久苦
 對水
 於此景餘亦謝我雲中流

余間居無營日與客清談
 鶴林之下或欣然會心或
 恍然興懷輒令童子筆之
 久而成編因曰鶴林玉露
 蓋清談玉露蕃杜少陵之
 句云爾昔宋淳祐戊申正

月望日廬陵羅大經景綸

天集傳

新刊鶴林玉露目錄

廬陵羅大經景綸

卷之一

解經不為煩辭

手寫九經

倒句

如字訓而

汴州詩

丑父紀信

因讒賜金

世短意多

茲為年

落帽

四勝

兵粟

守城

三事相類

石湖奉使

常調宦

天象

官省錢

民兵

文豔

卷辛幼安詞

大人

利市

誠齋謁紫巖

前輩勸學

仕官歸故鄉

鐵拄杖

蕪黃遺文

池鷗

卷之二

大承氣湯

魯隱公攝

姦富

貨色

孫吳

子弟為幹官

箕子之變

農圃漁樵

柳詩

進青魚

即當曲

劉錡贈官

廬州之變

無極太極

薛客

能言鸚鵡官

賀雪表

漢宮詩

夜績

狐裘障泥

心脉

吾翁若翁

呂惠卿表

世事翻覆

二蘓

了翁孫女

達賢錄

大筭數

論菜

晚學

九日詩

好人好事

盜賊脫身

制詞失體

卷之三

二罪人

慶元侍講

生成吹噓

齊秦客

畏說

勸行樂表

秀州刺客

南軒六詩

族譜引

幸不幸

德行科

記夢詩

忍事

卷五教三綱

二罪人

利害

物無小

范睢蔡澤

江月句

建茶

救荒

蘓白

于寶

帷帳

字義

前輩志節

詩勉邑宰

常平

簡易

大乾夢

卷之四

歸置因

詞科

透脫

對壘

李勣

買硯詩

孤雁獨鶴

朱文公詞

鄧友龍使

誠齋退休

紹熙內禪

竹夫人制

罵尸蟲文

舉留郡守

制置困武臣

男子婦人拜

馬謖

唐子西詩

清廉

西湖長

春秋書國滅

陸放翁

席地

蝶粉蜂黃

戒色

小官對移

試進士見燭

卷之五

相字音廝

格天閣

易六卦

放魚詩

杜棕范文正

詩詠蟋蟀

人事天命

涪陵樵夫

胡忠簡碑

秦誓

荆公見濂溪

呂秦牛晉

景公顏子

誅罪

學仕

寶臣

飢寒

無垢廷對

浦鷗

蘓後湖

僕羅

釋啟

讀書

松石

取守

鷗鴈

石牛洞詩

扈載

神形影

李方叔

韓柳歐蘇

使虜辭樂

賀和戎表

士卒畏愛

卷之六

玉山詞草

作文遲速

象郡送行詩

廉賈

容南遷客

宰相罷

紫敗素 王梅溪

太子參決 師友制服

斬檜書 簡齋詩

伯夷傳赤壁賦 留後門

十銘 詩用字

付與天地 讀易亭

漂母 猴馬

經界 南軒諫虞丞相

朱文公論詩 稅沙田

新刊鶴林玉露目錄畢

[This page contains a table with multiple columns and rows of text, which is very faint and largely illegible. The text appears to be organized into a structured format, possibly a list or index.]



新刊鶴林玉露卷之一

○解經不為煩辭

廬陵羅大經景綸

孟子釋公劉之詩曰故居者有積倉行者有裹囊也然後可以爰方啓行釋烝民之詩曰故有物必有則民之秉彝也故好是懿德只添三兩字意義粲然六經古註亦皆簡潔不為煩辭朱文公每病近世解經者推測大廣議論太多曰說得雖好聖

人從初却元不曾有此意。雖以呂成公之書解亦但言其熱鬧而已。蓋不滿之辭也。後來文公作易傳詩傳其辭極簡。

○手寫九經

唐張參為國子司業。手寫九經。每言讀書不如寫書。高宗以萬乘之尊。萬幾之繁。乃亦親灑宸翰。遍寫九經。雲章爛然。終始如一。自古帝王所未有也。又嘗御書漢光武紀。賜執政徐俯曰。卿勸朕讀書。

武紀朕思讀十遍。不如寫一遍。今以賜卿。聖學之勤如此。

○倒句

史記張儀論韓地險惡曰。民之食大抵飯菽藿羹。此倒句也。昌黎文春與猿吟。秋鶴與雁。淮之水舒々。楚山直叢々。亦此類。

○如字訓而

春秋星隕如雨。釋者曰。如而也。歐陽公集古錄載。

後漢鄭先生碑云其長也寬舒如好施是以宗族
歸懷東坡得古鏡背有銘云漢有善銅出白楊取
為鏡清如明皆訓如為而也

○汴州詩

昌黎汴州詩云母從子走者為誰太夫人留後
兒昨日乘車騎大馬坐者起趨乘者下廟堂不肯
用于戈嗚呼奈汝母師仲為汴州之亂留後陸長
源遭殺作也方董晉師汴昌黎在幕中晉專行姑

息知軍驕難制變在旦夕且死遺戒喪車速發及
長源代之繩以嚴急軍果亂官屬多死之昌黎隨
晉喪已去汴獲免夫長源固失矣晉不能酌寬猛
之中潛消事變乃以姑息偷免其身使相激相形
產後來之禍又不能先以一語忠告長源烏得無
罪昌黎在幕中蓋亦與有責矣此詩末句似有愧
於中而為自解之辭

○丑父紀信

左氏傳鞍之戰邴夏御齊侯逢丑父爲右齊師敗績丑父與公易位爲晉韓厥所及丑父使公下如華泉取飲而逃韓厥獻丑父卻獻子將戮之呼曰自今無有代其君任患者有_レ于此將爲戮乎卻子曰人不難以死免其君我戮之不祥赦之以勸事君者此與紀佞詐乘漢王之車以免高祖者侔異晉宥丑父而楚楚紀佞項氏之不長也宜哉

○因讒賜金

張魏公貶零陵有書數笈自隨讒者謂其中皆與蜀士往來謀擾四蜀之書高宗命遣之盡錄以來臨軒發視乃皆書冊雖有尺牘率皆憂國愛君之語此外唯葛裘布衾類多垢敝上惻然曰張浚一貧如此哉乃遣使馳賜金三百兩秦檜令宣言于外謂賜浚死門生從者聞之垂泣告公公曰浚罪固當死若果如所傳朝服拜命就戮以謝國家可也何以泣爲問使者爲誰曰殿師揚存中之子也

公曰吾生矣存中吾故部曲朝廷誠欲誅汝必不
遣其子來已而使者拜於馬前乃獲賜金之命公
之在秦也開幙延賢鑄銅為印形迹似稍專故有
以來讒者之口然反因此得以自明又賴賜金以
自活天果不佑忠賢乎

世短意多

古詩云人生不滿百常懷千歲憂而淵明以五字
盡之曰世短意常多是也東坡云意長日月促則

倒轉陶句爾

茲為年

呂氏春秋云今茲美禾來茲美麥注云茲年也公
羊傳云諸侯有疾曰負茲注云茲新生草也一年
草生一番故以茲為年古詩云為樂當及時何能
待來茲左氏傳五稔杜詩十暑岷山葛皆此意

落帽

桓温雄猛盖一時賓僚相從燕賞豈應有失禮於

前者孟嘉落帽恐如禰正平藝服慘搗媪侮曹瞞
之意陶淵明嘉之甥也為嘉作傳稱其在朝仗正
順門無雜賓則嘉亦一時之望乃肯從溫何也溫
嘗從容謂曰人不中無執我乃能駕馭卿亦頗有
相斲之意辛幼安九日詞云誰與老兵供一笑落
帽參軍華髮莫倚忘懷西風也解點檢尊前客淒
涼今古眼中三兩飛蝶意謂嘉不當從溫故西風
落其帽以貶之若免冠然

○四勝

周瑜赤壁謝安淝水寇萊公澶洲陳魯公采石四
勝大略相似杜牧云東風不與周郎便銅雀春深
鎖二喬意亦著矣謝安因棋別墅真是矯情鎮物
喜出望外且其折屐澶洲之役畢士安有相公文
取鵲崙官家之說高瓊有好喚宰相來吟兩首詩
之說則當時策略亦自可見天發一矢胡無首荆
公句意與杜牧同采石之師若非逆亮暴急嗜殺

自激三軍之變亦未易驅攘是時亮雖遭戕虜師
北歸紀律肅然無一人叛亡此豈易勝之師乎朱
文公曰謝安之於桓溫陳魯公之於完顏亮幸而
推得它死爾要之吳晉乃不幸宋朝真天助也

○兵粟

張儀云兵不如者勿與挑戰粟不如者勿與持久
一語用兵者所當知

○守城

守城必劫寨劉信叔守順昌以數千人摧兀木數
十萬衆劫寨之力也守城不劫寨是守死爾

○三事相類

楚公子微服過宋門者難之其僕操箠而罵曰隸
也不力門者出之晉王威之敗沙門曇求匿其幼
子華使提衣囊自隨津邏疑之求訶曰奴子何不
速行捶之數十由是得免宇文泰與侯景戰河上
馬逸墜地李穆見之以策扶泰背曰籠東上軍

士汝曹主何在而尚留此追者不疑其為貴人與之馬與俱還二事相類若郭子儀殺羊而裴請効之李愬進馬而温造彈之亦此意也

○范石湖使北

宋淳熙中范至能北使孝宗令口奏金主謂河南乃宋朝陵寢所在願反侵地至能奏曰茲事至重合與宰相商量臣乞以聖意諭之議定乃行上首肯既而宰相力以為未可而聖意堅不回至能遂

自為一書述聖語至虜庭納之袖中既跪進國書伏地不起時金主乃葛王也性寬慈傳宣問使人何故不起至能徐出袖中書奏曰臣來時大宋皇帝別有聖旨難載國書今臣口奏臣今謹以書述乞賜聖覽書既上殿上觀者皆失色至能猶伏地再傳宣曰書詞已見使人可就館至能再拜而退虜中群臣咸不平議羈留使人而虜主不可至能將回又奏曰口奏之事乞於國書中明報仍先宣

示庶使臣不隨欺罔之罪。虜主許之。報書云。口奏之說殊駭觀聽。事須審處。邦乃乎休。既還。上甚嘉其不辱命。由是超擢。以至大用。至能至燕京會同館守吏微言有羈留之議。乃賦詩曰。萬里孤臣致命秋。此身何止一瀛浮。提携漢節同生死。休問羸羊解乳不。

○常調官

范文正公云。常調官好做家常飯。好喫余謂人能

其於喫家常飯。然後甘於做常調官。

○天象

鄭注召對浴室門。葦長三尺。韓琦賜第。集英殿雲見五色。君子小人之進。天象昭々如此。

○官省錢

五代史漢王章為三司使。征利剝下。緡錢出入元以八十為陌。章每出錢陌必減其三。至今以七十為官省錢者。自章始。然今官府於七十七之中。



又除頭子錢五文有奇則愈削於章矣

○民兵

唐初蕭銑據荆襄敗於李靖諸郡皆降而所召接
兵至者猶十萬人李煜據江南其亡也亦有接兵
十數萬宋朝靖康之禍勤王之師至者絕少縱有
之率皆望風奔潰不敢向賊發一矢蓋五代以前
兵寓於農素習戰鬥一呼即集宋朝兵費最多兵
力最弱皆緣官自養兵紹熙中張魏公在川陝奏

以王庶帥興元制置利夔兩路軍事於興洋金蓬
開達諸州令縣選疆壯兩丁取一五十取一戶與
免物力錢二百五十人為一隊置隊長以
知縣為軍正尉為軍副月閱於縣春秋閱於郡不
半年有兵二十萬乾道初宿毫之役禁旅多出征
江上之備空虚陳福公首獻民兵之策及登庸亟
欲推行會罷相遂格然兩淮已用其法而荆襄尤
有成規開禧因兵禁旅多敗而兩淮山水寨萬弩

手率有功特為官軍所嫉無以慰其心盡其力耳
丙寅虜大舉南牧圍安襄以撼荆鄂宣司檄召諸
處兵與湖北義勇俱往救諸郡兵不待見敵而潰
所過鈔略甚於戎寇獨義勇隨其師進退不敢有
秋毫犯蓋顧其室家門戶故也張宣公帥荊州與
朱文公書云郭杲嘗獻緩急保江之策某折之曰
劉信叔劉共父皆嘗有此論真謬計也縱賊入肝
脾裡何以為國上付公以北門當盡力報國要共

要糧此間當應副事苟不濟守臣杖節而死爾郭
聞之悚然某之所恃者有義勇二萬六千人也

○文鑑

孝宗命呂成公銓擇國朝文章成公盡繕三館之
儲踰年成編賜名文鑑周益公承制撰序云建隆
雍熙之間其文偉咸平景德之際其文博天聖明
道之詞古熙寧元祐之詞達雖體制互興源流間
出而氣全理正其歸則同成公為此書朱文公張

宣公殊不以爲然謂伯恭無意思承當此事便好
 截下因以發明人主之學昔温公作資治通鑑可
 謂有補治道識者尚惜其枉費一生精力况文鑑
 乎

○辛幼安詞

辛幼安晚春詞云更能消幾番風雨匆匆春又歸
 去惜春長恨花開早何况亂紅無數春且住見說
 道天涯芳草迷歸路怨春不語算只有殷勤畫簷

蛛網盡日惹飛絮長門事準擬佳期又誤蛾眉曾
 有人妬千金縱買相如賦脉脉此情誰訴君莫舞
 君不見玉環飛燕皆塵土閑愁最苦休去倚危欄
 斜陽正在煙柳斷腸處詞意殊怨斜陽煙柳之句
 其與未須愁日暮天際乍輕陰者異矣使在漢唐
 時寧不賈種豆種桃之禍哉愚聞壽皇見此詞頗
 不悅然終不加罪可謂至德也已其題江西造口
 詞云鬱孤臺下清江水中間多少行人淚西北是

長安可憐無數山青山遮不住畢竟東流去江晚
 正愁予山深聞鶉鴣蓋南渡之初虜人追隆祐太
 后御舟至造口不及而還幼安因此起興聞鶉鴣
 之句謂恢復之事行不得也又寄兵宗卿詞云千
 古江山英雄無覓孫仲謀處舞榭歌臺風流總被
 雨打風吹去斜陽草樹尋常巷陌人道寄奴曾住
 想當年鐵馬氣吞萬里如虎元家子草草封狼居
 胥贏得倉皇北顧四十二年望中燈火猶記揚州

路可堪回首拂狸祠下一片神鴉社鼓憑誰問
 頗老矣尚能飯不此詞集中不載尤雋壯可喜朱
 文公云辛幼安陳同甫若朝廷賞爵明此等人皆
 可用

○大人

古今稱大人其儀不一左氏傳子服昭子曰夫必
 多有是說而後及其大人孟子曰有大人之事有
 小人之事此以位言也所謂王公大人是也孟子

曰養其大者為大人昌黎王適墓誌曰翁大人不
疑此以德望言也所謂大人君子是也若易之利
見大人則兼德位而言之今人自稱其父曰大人
然疏受對疏廣曰從大人議則叔父亦可稱大人
范滂將就誅與母訣曰大人割不忍之愛則母亦
可稱大人

○利市

俗語稱利市亦有所祖左氏傳鄭人盟商人之辭

曰爾無我叛我無強賈爾有利市寶賄我勿與知

誠齋謁紫巖

揚誠齋為零陵丞以弟子禮謁張魏公時公以遷
謫故杜門謝客南軒為之介紹數月乃得見因跪
請教公曰元符貴人腰金拖紫者何限惟鄉至完
陳瑩中姓名與日月爭光誠齋得此語終身厲直
清之操晚年退休悵然曰吾平生志在批鱗請劍
以忠鯁南遷幸遇時平主聖老矣不獲遂所願矣

立朝時論議挺々如乞用張浚配享言朱喜不當
與唐仲友同罷論儲君監國皆天下大事孝宗嘗
曰揚萬里直不中律光宗亦曰揚萬里也有性氣
故其自贊云禹曰也有性氣舜云直不中律自有
二聖玉音不用千秋史筆

前輩勤學

胡澹庵見楊龜山龜山與兩肘示之曰吾此肘不
離案三十年然後於道有進張無垢謫橫浦寓城

西寶界寺其寢室有短窓每日昧爽輒執書立窓
下就明而讀如是者十四年泊北歸忽下石上雙
跌之跡隱然至今猶存前輩為學勤苦如此然萃
山蓋少年事無垢乃晚年尤難也

仕宦歸故鄉

歐陽公居永豐縣之沙溪其考宗公葬焉所謂瀧
江阡是也厥後奉母鄭夫人之喪歸合葬載青州
石鐫阡表石綠色高丈餘光可鑑阡近有沙山太

守廟裏事禱于廟祝版猶存曰大事有日陰雲屢
興假以三日之晴則拜神之賜其敢忘報執政得
五功德寺公素排佛教雅不欲立寺崇公講觀又
不可立觀乃立青陽宮然公自葬鄭夫人之後不
復歸故鄉其作吉州學記云幸余它日因得歸榮
故鄉將見吉之士皆道德明秀而可為公鄉問於
其俗而昏喪飲食皆中禮節入於其里而長幼相
孝慈於其家行於其郊而少者扶其羸老壯者代
其負荷於道路然後樂學之道成而得時從先生
耆老席于衆賓之後聽鄉樂之歌飲獻酬之酒而
以詩頌天子太平之功固覽學舍思詠李侯之遺
愛不亦美哉雖有此言而迨不踐樂頴昌山水作
思頴詩退休竟卜居焉前輩議其無回首敞廬息
肩喬木之意近時周益公歸休尹直卿以詩賀之
云六一先生薄吉州歸由去作頴昌遊我公不向
螺江住羞殺青原白鷺洲

鐵拄杖

壽皇在宮中常携一漆拄杖宦官宮妾莫得親視
嘗遊後苑偶忘携焉特命小黃門取之一人竭力
曳以來蓋精鐵也上方有意中原故陰自習勞苦
如此

蘓黃遺文

東坡贊文與可梅竹石云梅寒而秀竹瘦而壽石
醜而文是為三益之友席子擇遺喪山谷憐其貧

糾合同志者助之其辭云富者不仁理難共語仁
者不富執難獨成百足之虫至死不僵以扶之者
衆也願與諸君同力振之手并一帖余皆見其真跡坡
谷集所不載

池鷗

太學蒞道齋有小池忽一鷗飛來容與甚久一同
會生題詩云朝來池上有新事火急報教同舍知
昨夜雨餘春水蒲白鷗飛下立多時讀者賞其醜

藉^{シヨラ}... 新刊鶴林玉露卷之一

○水經

谷其也... 水經... 卷之二

新刊鶴林玉露卷之二

廬陵羅大經景綸

○大承氣湯

周益公參天政朱文公與劉子澄書云... 大承氣湯固是對證大舜繼堯亦不免下木

承氣湯信矣。文公之為名言也。益公初在後省。龍
大淵曾覲除閣門。格其制不下。奉詞而去。十年不
用。天下高之。後入直翰林。覲以使事。還除節鉞。人
謂公必不草制。而公竟草之。其詞云。八統敷良敬
故在尊賢之上。宜其不敢用。夫承氣湯也。

○魯隱公攝

歐陽子曰。隱公非攝也。使隱果攝。則春秋不稱公。
春秋稱公。則隱公非攝無疑也。此論未然。春秋雖

不書隱公居攝。而於兩書仲子之事。自隱然可見。
夫毋以子貴。世俗之情也。使桓不將立。則仲子特
一_モ生_ラ公子之妾耳。周王何為而歸其_レ貺。魯國何為
而考其_レ官。今也歸_レ貺而不嫌。瀆亂之譏。考官而加
嚴事之禮。徒以桓之將為君也。桓將為君。則隱之
攝著矣。或曰。隱攝。則何以稱公。東坡曰。周公攝而
克復子者也。故不稱王。隱公攝而不克復子者也。
故稱公。史有謚。國有廟。春秋獨得不稱公。此論

亦未然。周公之攝也。誥命之際曰。周公曰。王若曰。曷嘗自稱王乎。竊意魯史舊文。必著隱公攝位之實。去攝而書公。乃仲尼之特筆。一以著隱之不當。一以著桓之不當。二者皆罪也。歐公論隱公。趙盾許止事。皆未明春秋之旨。春秋之所以為春秋者。正為微顯闡幽。若但直書其事。則夫人能之矣。何為游夏不能措一辭哉。

○姦富

本富為上。末富次之。姦富為下。今之富者。大抵皆姦富也。而務本之農。皆為僕妾於姦富之家矣。嗚呼悲夫。

○貨色

一顧傾城。再顧傾國。色也。大者傾城。下者傾鄉。富也。貨色之不祥如此哉。

○孫吳

吳子之正。孫子之奇。兵法盡在是矣。吳子似論語。

孫子似孟子。

○子象為幹官

朱文公與慶國卓夫人書云。五哥獄廟聞尊意欲為經營幹官。差遣某切以為不可。人家子弟多因此壞却心性。蓋其生長富貴。本不知艱難。一旦仕宦。便為此官。逐司只有使長一人。可相拘轄。又多寬厚長者。不欲以法度見繩。上無職事了辨之責。下無吏民竊伺之憂。而州縣守令。執反出已下。可

以陵轍。故後生子弟。為此官者。無不傲慢。縱恣觸事。憤然愚意。以為可且為營。一稍在人下。職事與人打罵。差遣乃所以成就之。若必欲與求幹官。乃是置之有過之地。誤其終身。前輩愛人以德。至於如此。卓夫人乃少傅劉公子羽之妃。樞密共父之母。五哥即平甫。朱與劉蓋姻婭。初文公之父。草齋疾革。手自為書。以家事屬少傅。草齋歿。文公年十四。少傅為築室於其里。俾奉母居焉。少傅手書與

白水劉致中云於緋溪得屋五間器用完備又於
七倉前得地可以樹有圃可蔬有池可魚朱家人
口不多足可以屈文公視卓夫人猶母云

○筭子

五代史漢王章不喜文士掌語人曰此輩與一把
筭子未知顛倒何益於國筭子本俗語歐公據其
言書之殊有古意溫公通鑑改作授之握筭不知
縱橫不如歐史矣

○農圃漁樵

農圃家風漁樵樂事唐人絕句。摸寫精矣。余摘十
首題壁間。每茶羹豆飯飽後。啜苦茗一盃。偃卧松
息竹榻間。令兒童吟誦數過。自謂勝於吹竹彈絲。
今記於此。韓偓云。聞說經旬不啓關。藥恩誰伴醉
開顏。夜來雪壓村前竹。刺看溪南幾尺山。又云。萬
里清江萬里天。一村桑柘一村煙。漁翁醉著無人
喚。過午醒來雪滿船。長孫佐輔云。獨訪山家歇還

涉茅屋斜連隔松葉。主人聞語未開門。繞籬野菜
飛黃蝶。薛能云。邵平瓜地接吾廬。穀雨晴時偶自
鉏。昨日春風欺不在。就床吹落讀殘書。韋莊云。南
隣酒熟愛相招。蘸甲傾來綠蒲飀。一醉不知三日
事。任他童稚作漁樵。杜荀鶴云。山雨溪風捲釣絲。
瓦甌蓬裡獨斟時。醉來睡著無人喚。流下前灘也
不知。陸龜蒙云。雨後沙虛古岸崩。漁梁移入亂雲
層。歸時月落汀洲暗。認得妻兒結網燈。鄭谷云。白

頭波上白頭翁。家逐舡移浦。風一尺。鱸魚新釣
得。兒孫吹火荻花中。李商隱云。城郭休過識者稀。
哀猿啼處有柴扉。滄江白石漁樵路。薄暮歸來雨
濕衣。張演云。鵝湖山下稻梁肥。豚栅鷄栖對掩扉。
桑柘影斜秋社散。家々扶得醉人歸。

○柳詩

唐人柳詩云。水邊楊柳綠煙絲。立馬煩君折一枝。
唯有春風最相惜。殷勤更向手中吹。朱文公每喜

誦之取其興也

○進青魚

宋文帝時司徒義康顯怒朝權四方饋遺皆以上品薦義康而以次品供御上嘗冬月噉柑歎其形味並劣義康曰今年柑殊有佳者遣人還東府取柑大供御者三寸上寢不能平義康旋以罪廢唐代宗謂李泌曰路嗣恭獻琉璃盤九寸乃以徑尺者遺元載須其至議之賴泌一言嗣恭免罪而元

載竟誅呂許公不肯多進淮白魚蓋懲此也秦檜之夫人嘗入禁中顯仁太后言近前子魚大者絕少夫人對曰妾家有之當以百尾進歸告檜檜咎其失言與其館客謀進青魚百尾顯仁拊掌笑曰我道這婆子村果然蓋青魚似子魚而非特差大爾

○即當曲

魏鶴山天寶遺事詩云紅錦綉盛河北賊紫金盞

酌壽王妃弄成晚歲即當曲正是三郎快活時俗
所謂快活三郎者即明皇也小說載明皇自蜀還
京以駝馬載珍玩自隨明皇聞駝馬所帶鈴聲謂
黃幡綽曰鈴聲頗似入言語幡綽對曰似言三郎
即當二郎今當也明皇媿且笑

○劉錡贈官制

逆亮窺江劉錡已病亦同杆禦未幾亮殲錡亦殞
特贈太尉周益公行詞云岑彭殞而公孫亡諸葛

死而仲達走雖成功有命皆莫究於生前而遺烈
在人可徐觀於身後讀者服其的切益公嘗舉似
謂楊伯子曰起頭兩句須要下四句議論承貼四
六特拘對耳其立意措詞貴於渾融有味與散文
同

○廬州之變

宋紹興中劉光世在淮西軍無紀律張魏公為都
督奏罷之命參謀呂祉往廬州節制光世頗得軍

心社儒者不知變繩束頓嚴諸軍忿怒統制鄴瓊
率衆縛社渡淮歸劉豫魏公方宴僚佐報忽至滿
坐失色公色不變徐曰此有說第恐虜覺耳因樂
飲至夜分乃爲蠟書遣死士持遺瓊言事可成成
之不可速全軍以歸虜得書疑瓊公隸其衆困苦
之邊賴以安南軒言符離之役諸軍皆潰唯存帳
下千人某終夕徬徨而先公方熟寢鼻息如雷先
公心法如何可學

○無極太極

游誠之南軒高弟嘗言易有太極而周子加以無
極何也試即吾心驗之方其寂然無思萬善少發
是無極也雖云未發而此心昭然靈源不昧是太
極也聞者服其簡明其詩亦可愛如東風未肯催
桃李留得疎籬淺淡香平生意思春風裡信手題
詩不用工閑處漫寫當世事靜中方識古人心皆
有味

薛客

齊封田嬰於薛號靖郭君專齊之權嘗欲城薛客謂曰君不聞海大魚乎網不能止鈎不能牽碣而失水則螻蟻制焉今齊亦君之水也君長有齊奚以薛為苟為失齊雖隆薛之城至於天庸足恃乎乃不果城董卓積金帛於郿塢曰事成雄據天下事不成守此塢足矣人之智愚相遠乃如此

能言鸚鵡

上蔡先生云透得名利關方是小歇處今之士大夫何足道真能言之鸚鵡也朱文公曰今時秀才教他說廉直是會說廉教他說義直是會說義及到做來只是不廉不義此即所謂能言鸚鵡也夫下以言語為學上以言語為治世道之所以日降也而或者見能言之鸚鵡乃指為鳳凰鸞鳥唯恐其不在靈臺靈囿間不亦異乎

賀雪表

黃伯廣代宰相賀雪表云。招來衆彥。無晝卧洛陽
之人。激勵三軍。有夜入蔡州之志。詞意壯切。真宰
相事也。李公甫表云。漢使鬪甦。未必得匈奴之要
領。楚軍挾纊。唯當堅祈父之瓜牙。語雖巧。頗牽彊。

○漢宮詩

唐李商隱漢宮詩云。青雀西飛竟未回。君王猶在
集靈臺。侍臣最有相如渴。不賜金莖露。一盃譏武
帝。求仙也。言青雀杳然不回。神仙無可致之理。必

矣。而君王未悟。猶徘徊臺上。庶幾見之。且胡不以
一物驗其真妄乎。金盤盛露。和以玉屑。服之可以
長生。此方士之說也。今侍臣相如正苦消渴。何不
以一盃賜之。若服之而愈。則方士之說。猶可信也。
不然。則其妄明矣。二十八字之間。委蛇曲折。含不
盡之意。

○夜績

漢食貨志云。冬民既入。婦人相從。夜績。女工一月

得四十五日。注謂每日又得半夜為四十五日也。然則農之宵爾索綯。儒之短檠夜誦。豈可少哉。胡澹菴書遺從子維寧曰。古之君子。學欲其日益善。欲其日加德。欲其日起身。欲其日省體。欲其日彊行。欲其日見心。欲其日休道。欲其日章。以為未也。又曰。日知其所亡。日見其所不見。一日不使其空。苟俛焉其愛日。如是足矣。猶以為未也。必時習焉。無一時不習也。必時敏焉。無一時不敏也。必時術焉。

無一時不術也。必時中焉。無一時不中也。其競時如是。可以已矣。猶以為未也。則曰。夜者日之餘也。吾必繼晷。正焉。燈必親。薪必然。膏必焚。燭必秉。蠟必濡。螢必照。月必帶。雪必映。光必隙。明必借。暗則記。嗚呼。如此極矣。然而君子人曰。終夜不寢。必如乳。丘。鷄。鳴。而。起。必。如。大。舜。坐。以。待。旦。必。如。周。公。然。則。何。時。而。已。耶。范。甯。曰。君。子。之。為。學。也。沒。身。而。已。矣。
○狐裘障泥

鳥林玉瑤 卷三十一 十一

晏子一狐裘三十年長孫道生一熊皮障泥數十年蓋貴而能儉若淵明十年著一冠則言其貧也

○心脉

敖器之善察脉嘗言心脉要細緊洪備此三者大貴大賢也趙季仁舉似謂余曰此非論脉乃是論學余曰小心翼々細也務時敏緊也有容乃大洪也季仁曰正是如此

○吾翁若翁

漢高祖謂項羽曰吾翁即若翁此語理意甚長左氏傳齊敗于鞍晉人欲以蕭同叔子為質齊人曰蕭同叔子者非佗寡君之母也若以匹敵則亦晉君之母也孟子曰殺人之父者人亦殺其父然則非自殺之一間耳高祖之語與此暗合史謂不修文學而性明達此類是也項羽迄不殺太公有感於斯言矣乃知鷙猛之人胸中未嘗無天理特在於有以發之耳

○呂惠卿表

九金聚粹共圖魑魅之形孤劍埋光尚負斗牛之氣此呂惠卿表也邪人指正人為邪如此人主于何而辨之。

○世事翻覆

衛青少服役平陽公主家後為大將軍貴顯震天下公主化離擇配左右以為無如大將軍公主曰此我家馬前奴也不可已而徧擇群臣貴顯無踰

大將軍者迄歸大將軍丁晉公起甲第鉅麗無比軍卒楊景宗躬負土之役勞苦萬狀後景宗以外戚起家晉公得罪貶海上朝廷以其第賜景宗居之三十年世事翻覆何所不有揚誠齋詩云君不見河陽花今如泥土昔如霞君不見武昌柳春作金絲秋作帚人生馬耳射東風柳色桃花却長久秦時東陵千戶侯華蟲被體腰蒼瑯漢初沛邑刀筆吏折腰如磬頭搶地蕭相厥初謁邵平中廷百

拜百不應。邵平後來謁蕭相，故侯一拜一惆悵。萬事反覆何所無。一子豈是大丈夫。窮通流坎皆偶爾，搏扶未必賢。捨掄華脊別是一天地。醉鄉何曾有生死。儂欲與君歸去來。千愁萬恨付一盃。

○二蘓

朱文公云：二蘓以精深敏妙之文，痛傾危變幻之習。又云：早拾蘓張之緒餘，晚醉佛老之糟粕。余謂此文公二十八字彈文也。自程蘓相攻，其徒各右

其師。孝宗最重大蘓之文，御製序贊，特贈大師。學者翕然誦讀，所謂人傳元祐之學，家有眉山之書。蓋紀實也。文公每與其徒言蘓氏之學壞人心術，學校尤宜禁絕。編楚詞後語，坡公諸賦皆不取。唯收胡麻賦，以其文類檣頌，編名臣言行錄於坡公議論所取甚少。

○了翁孫女

陳了翁日與家人會食，男女各為一席。食已必舉

一話頭。令家人答。一日問曰。並坐不橫肱。何也。其
孫女方七歲。答曰。恐妨同坐者。

○達賢錄

魏鶴山云。某嘗以呂文穆夾袋冊。韓忠獻甲乙丙
丁集。呂正獻掌記。曾宜靖雌黃公議。司馬公薦士
編。陳蜜學章藁。范正獻手記。近世真忠蕭翹材館
錄之類。粹為一編。名達賢錄。亦使士大夫識得行
已用世規模。須是推誠心。布公道。集謀慮。廣忠益。

不惟資人輔已。濟一旦之用。往々居德養才。流風
所被。熏習演迤。逮乎數世。乃是先知先覺。職分當
然。鶴山此論。可謂任重道遠。然薦士非難。識士為
難。下和之識。玉九方臯之識。馬此豈有法之可傳
哉。若識鑒未至。徒以偏駁鋼滯之意見。稱量摸索
其不為王荆公者。幾希。荆公嘗曰。當今可望者。唯
呂惠卿一人。又曰。章子厚才極高。但為流俗所毀
耳。嗚呼。翹材之所延。夾袋之所載。使盡如荆公之

選掄則是蛇虺之淵。虎狼之藪也。其流毒可勝道哉。故量足以容君子。識足以辨小人。可以為大臣矣。
○大筭數
有日者。謁黃直卿云。善筭星數。知人禍福。直卿曰。吾亦有箇大筭數。書曰。惠迪吉。從逆凶。作善降之百祥。作不善降之百殃。大學曰。言悖而出者。亦悖而入。言實而後入者。亦悖而出。此箇數。且古今不差。

豈不復於子之筭數乎。

○論菜

真西山論菜云。百姓不可一日有此色。士大夫不可一日不知此味。余謂百姓之有此色。正緣士大夫不知此味。若自一命以上。至于公卿。皆是咬得菜根之人。則當必知其職分之所在矣。百姓何愁無飲喫。

○晚學

高適五十始為詩為少陵所推老猶三十始讀書
為歐公所許功深力到無早晚也聖賢之學亦然
東坡詩云貧家淨掃地貧女巧梳頭下士晚聞道
聊以拙自修朱文公每借此句作話頭接引窮鄉
晚學之士

○九日詩

徐淵子九日詩云衰容不似秋容好坐上誰憐老
孟嘉牢裹烏紗莫吹却免教白髮見黃花時一朝

士和云呼兒為我整烏紗不是無心學孟嘉要摘
金英蒲頭挿明朝還是過時花二詩興致皆佳未
易優劣

○好人好事

豫章旋郎有題十一字云願天常生好人願人常
做好事鄒景孟表而出之以為奇語吾鄉前輩彭
執中云住世一日則做一日好人居官一日則做
一日好事亦名言也。

○盜賊脫身

自古盜賊如黃巢儂智高敗績之後皆能脫身自免巢髣髴為僧題詩自贊有鐵衣著盡著僧衣之句智高敗後唯金龍衣在或謂入海或謂奔大理國淳熙間江湖茶商相挺為盜推荆南茶駟賴文政為首文政多智年已六十不從曰天子無失德天下無它憂將以何為群兒不聽以刃脇之龜勉而從文政知事必不集陰求豹類已者一人曰劉

四以前油糍為業使服役左右辛幼安為江西憲親提死士與之角困屈請降文政先與渠魁數人來見約曰束兵既退謂其徒曰辛提刑瞻視不常必將殺我欲遁去其徒不可則曰寧斷吾首以降死先後不過數日耳其徒又不忍乃斬劉四之首使偽為已首以出而文政竟遁去官軍迄不知其首級之偽也

○制詞失體

宋嘉定間加史丞相實封制云天欲治舍我誰也
負子孟軻濟世之才民不被若已推之挺伊尹佐王
之略用經句而怙安狀過諛失體勳德如韓魏公
荆公草加官制不過曰保茲天子進無浮實之名
正是國人退有顧言之行或謂荆公素不滿於魏
公故無甚褒之詞非也王言之體當然耳

新刊鶴林玉露卷之二

1454
X

